

國史

五

内閣文庫	
番號	和 15289
冊數	13 (5)
函號	150 22

内閣文庫			
函	架	冊	號
五〇	六	一三	五二八九
			和書類



四
國史

傳

廿七下之廿九

因史

其下

Faint vertical text columns on the left page, likely bleed-through from the reverse side. The text is mostly illegible due to fading and ghosting.

宗室傳第二下

明治十三年賜求

雜卷

引馬文庫

神祖十一男關口夫人信康及清德主鶴殿氏生

良祥主万姫生秀康西郷夫人德祖及忠吉都摩

姫生正清主及信吉茶阿生忠輝松千代亀姫生仙

千代義直正木氏生頼宣頼房遠山氏生女許嫁伊

達忠宗四歳卒秀吉待上以客禮天下畏其威矣德

惠足服人而加以婚姻結列侯之驩至有天下而不

改是以名主者多所未死往齊兼其慶而聯三姓之

親意盖甚勤矣嫁山内一豊者長澤康忠女嫁大須

賀忠政者久松康元女後通菅沼定芳嫁有馬豊氏

者松平政忠女嫁山内忠義者久松定勝女嫁堀忠
俊者本多忠政女後適有馬康純嫁蜂須賀至鎮者
小笠原秀政女嫁黑田長政者保科正直女嫁鍋嶋
勝茂者岡部長盛女嫁松平家清者久松俊勝女嫁
加藤清正者水野忠重女嫁福島正則者牧野康成
女嫁正則子正之者松平康元女正之死弟正勝蒸
哥嫁田中忠政者康元季女後嫁毛利秀元
信康四歲歸參織田信長欲親子參以女妻哥甲入
遠刈守理氏作亂敗足助信康擊殲渠魁復城王子
足助初神祖遷濱松留信康于岡崎其家代官大賀

誦責岡崎于甲君甲君出陣誦誅死還圍長篠信康
軍于山田救之遂擊甲君于長篠從定遠州攻小山甲
君將兵救之參兵解圍去信康並大豬先下將西曰
甲君在前前行在後後行從是見當徐行神祖悅凡
每甲君出常從拒之長篠之役公為信長下馬信康
以為參尾等而甥舅之國也不為下見其將如見參
將久之夫妻有隙而関口氏之事起前是神祖與之
書曰聞人之言世子好舞國中化之有備善者雖高
賈僮奴男女雜處共舞衣服不飾進退不應節者射
殺之晝夜飲酒不恤軍國左右近意輒死是以箱西

無諫者雖大臣恐重過而不言項籍一戰斬三將軍
勇則勇矣然不免身死國云持其勇也汝之勇不如
籍而暴過三方獵見僧無獲汝信左右妄言繫馬後
馳數里碎爛死又淫室家不和氏真之亡不以淫耶
參小於駿而淫過之凡亡國覆家之行盡在汝身從
今日洗心改嚮勿使而公罹禍書至宜知悉信康讀
書泣數行下常與忠次忠世不相善心知其死搆而
無自明從賜書快々不樂止酒廢舞不御唯其凶虐
如故見忠次使尾過岡崎不入乃知其死天正七年
八月執諸大瀆數日遷塚江九月賜死于二股後公

燕諸將優作藤仲光殺兒脫君之子之戲二將有愧

邑云

忠吉生也東條家忠嗣絕以三枚橋四万石封忠吉為之後使松
平康親佐之奧民作亂自改馳歸詣軍會賊平是時年十一也
文祿元年封忠為下野守取井伊直政女康子以諸侯軍西至岐阜將
拔加藤嘉明使監軍而忠吉而後受其降關原之戰命從直政二人將
前清洲侯士有可兒吉長者橫槍塞道曰正則見命為前鋒
誰也將先直政辭以斥候留其軍持與忠吉進擊薩
兵親斬薩壯士松浦於是封尾六十万石為侍從又
為從三位左中將薩摩守初直政請立忠吉為世子

大久保忠隣固言不可乃止忠吉雖不得立心善忠
隣之言與共善過之如江都常館于大久保氏德祖
亦不望直政欲易已迨死悼惜見于顏色而忠吉好
色外內多嬖人生瘡殆死慶長十二年如江都病作
卒于大久保忠常家

信吉初為長澤康直養子康直死穴山信尹從軍有取信
吉為之後旨武田氏使撫故甲冑東遷時封之佐倉關原之役守
西城徙封水戶然信吉弱不能朝見無位號咸餘卒

忠輝生似信康神祖惡之使勿舉母阿茶匿諸皆川
廣熙所松千代卒為神祖言立為長澤氏後為上野

今改上總介稍復以多力善騎射愛之封佐倉侯後
食川中嶋十八万石從德祖入朝拜左少將使如大
改慶長十四年朝江都老臣皆川廣熙山田長門松
平親宗諸駿府言忠輝在國不奉法不聽大臣之諫
阿茶聞之召忠輝面謝因言三臣譖臣使得死罪逐
廣熙殺長門親宗明年封越信六十万石監北陸軍
因縱幸臣為去無忌憚又倚藉上所貴幸司農長安
探知朝廷之議甲寅留守江都統會津侯山形侯岩
城侯加納侯等陰備秀吉所厚親如薨侯等者與之
手書曰日巡城中勿得出門善撫循士卒若有事詢

重忠乙卯部諸侯自和州入前軍戰已克仙臺侯忠
輝勇也使人促忠輝戰忠輝將花井義雄震不進是
時前中大夫廣熙猶冀忠輝之悛來軍所見忠輝不
戰直入切責忠輝將進仙臺侯又止之曰日莫不知
地形必遺之俘廣熙知忠輝不可謀而行明日有異
譏不戰神祖使松平勝隆如越責讓曰徵兵辭之軍
興至改望視君上之急不救朝于天子稱病不從潛
出外捕魚既不辭歸國間道行擅殺幕府之士汝有
大罪七為人臣子有一於斯不免其誅矣我不欲見
汝勿有未見大漸時見其母阿茶泣曰兒也使謝罪

不受辭狀百端欺上罔下天地且不吝罪無所遺阿
茶恐召忠輝至不得見却止藤園會神祖不起本多
忠純云請國師居深谷五日國師不為言初幕府
騎伊丹彌藏富田太郎逢忠輝于奇山前駝言下馬
不可曰我無二君何言下馬前駝欲撻二子逃待忠
輝至以刀欲擊左右格殺之然不知何人於是欲歸
坐于將行安西右馬在馬亡捕得送諸有司右馬為
監察知國陰事言義雄止不及戰忠輝無罪及諸不
法事有司言誅奪囚義雄于厩橋而虞忠輝作亂後謝罪
至則執遷諸淺熊請自殺不許盡沒其地又遷高山

遷諏訪每遷留從者不得從忠輝在越時有飲酒至
四斗不醉者殺見其腹有鮫大可三寸容酒四斗忠
輝寶而愛之是時腰鮫沒湖或二日或三日諏訪侯
恐失之杜門不出憲宗時卒

松平代兼松平康直後六歲卒

仙千代為三岩親吉養子六歲卒

秀康義直賴宣賴房自有傳

德祖四男淺妃生太宗長丸忠長天壽主天德主天
宗主興安主東福后神尾氏生正之其名主嫁池田
利隆者榊原康政女嫁前田光高者賴房女嫁加藤

忠廣者蒲生秀行女嫁中村忠二者松平康元女後
適津輕信教嫁九條道房者羽紫秀勝女嫁彈正尹
好仁者松平忠直女嫁細川忠利者小笠原秀政女
嫁東西門跡者道居女凡八人
長丸二歲卒

忠長幼多智上與淺妃以太宗病而寡言以為愚故
易之偶因神祖非之不果稍為裁抑食信州十萬石
明年封甲侯然為淺妃愛之留中不出使稻富祐直
教之放砲得鴨于西城下獻之上變色曰神祖城江
都曰與世子以未嗣居西城忠長恃親犯上擅弄兵

于東宮牆垣之間無人臣之禮大不敬淺妃怨離席
為忠長謝得解猶賞祐直元和五年以駿遠之地增
為五十万石号駿侯諸侯朝江都先朝駿府進其土
之所出如神祖時忠長益驕侈既又增以小諸及參
東為參議從三位左中將進權中納言寬永三年上
如京師忠長造舟作梁子大猪川上不憚曰大祖建
江都也函嶺以為城大猪為池以制天下之變若橋可成
不足為險毀之乃行遂從朝京師為從二位權大納
言是時淺妃病作忠長日馳三四十里比至江都從
者四人耳然後不及命作廟陵極宏麗初神祖遺命

莫雕鏤又有增益建德廟美且大于妃廟而大於祖
廟於是發諸侯治作祖廟無以先令聞于上者山陵
興作蓋自忠長始也忠長既不得為世子淺妃薨失勢意恚
積懷德祖愛其不從法八年遣就國既圍淺間殺猿壬二
百還乘轎自後刺早夫早夫逸捕得斬之俄墜降入寺燒火薪
濕不燃親斬執薪者從是斬殺甚多以上甚愛之無言者又
無良師傳怨望有惡言上書諸段百万石不者千秋
万歲之後舉兵自取是時諸不法之事浸淫聞于上
夢見月分為二曰天將剖地為二一之者在我觀上
書深憂之請朝不許執其相宣正忠長遺書尾侯水

戶侯天壽主曰上之所問咸忠長以為宜正不預知願
僂忠長莫及宜正上益怒太宗為上泣請赦忠長病急
時出前上書見之太宗大哭不復言明年德祖厭代冬廢
列侯二十人之甲駿水并尚政之駿青山幸成之甲遣忠長于都
留十年正月移諸高崎復執二相既而賜死城主安藤重長坐
命立垣于屋雷之下忠長惜燒書畫寶器自頸死
正之為保科氏別有傳

太宗五男增山夫人生嚴宗振姬生靈仙主夏姬生
綱重本庄夫人生憲宗諸姬生毫松跡部氏生鶴松
嫁一條伊實者地田光政女也

綱重生以俗忌使天壽主母養嚴宗立出之于外食
十五万石為左中將左馬頭進正三位寬文元年遷
參議封甲二十五万石十年有司執甲卿太田正成
鳴田時之是時甲館二府後於三藩而內實不給欲
貸金縣官酒井忠清知甲侯不韙已屢抑之甲侯怒
欲殺之憲宗至性友愛入朝不離其側不得各人亦
無知者然竟以是成病左右逢其醉多斬殺之藩中
不治延室中甲侯卒文宗立迨入為世子贈故甲侯
權中納言嗣位贈征夷大將軍正一位大政大臣
龜松三歲卒

鶴松數月卒

憲宗子傳姬生明信主德松嫁水戶吉孚者舊司浦
信女又養尾綱誠二女一則大一嫁前田吉治保科
正邦所聘者浦洲寺熙貞女享保中嫁于薩
德松生二歲嚴宗以憲宗為世子立德松代為館林
侯憲宗立詢立世子于三藩水戶侯曰故甲侯早死
不嗣以甲侯為世子大宗以下皆避之甲侯立以今
館林侯為世子讓位有位豈不美乎上不能從立德
松為世子更名緝熙三年薨

文宗四男右近生家千代須免生大五郎虎吉及諸

姬之子咸死于襁褓之中勝田夫人生章宗

德宗四男大久保夫人生信宗竹本氏生宗武諸姬
生元三與一女咸數月卒谷口氏生宗尹嫁伊達宗
村者紀侯宗直女也

宗武元服為從三位左中將右衛門督賜德川姓食
俸三万石信宗立封十方石拜參議以上書言事停
朝三年

宗尹元服為從三位左中將刑部卿賜德川姓食俸
三方石信宗立封十方石拜參議

史臣曰枝葉不繁本根無所庇是以將興之世孫支

常盛我國家自參之初至有天下雖周之不億未有
讓也如夫信定傾巧信孝專斷忠輝不奉法有所由
然方忠長怨望將得罪之際大國多士無一人之爭
之者悲夫忠吉不患不得立而善忠隣之守正賢哉
自古所未聞也其它則定推却真次兄弟之讓足慚
暴兄弟之孤者

三藩第三

卷二十八

尾敬公德川義直者神祖第八子也字子敬慶長八
年封為甲戌元服拜右兵衛督遂代忠吉食尾美參
六十二万石治于清洲十歲出就國神祖為其幼故
以之共行及卿且元來聘一年遷名護屋使列戾十
九人城孝十六年從如京師拜從三位參議右中將
城皇宮甲寅如改軍罷從德祖留天王寺明年神祖
將遷改至名護屋為敬公迎婦乃行以在後無軍功
神祖病大漸謂德祖曰以義直賴宣為兩翼天下不
可獨立神祖歎代之明年為正三位權中納言寬永

元年城二條三年從如京師為從二位權大納言後
致徒役城江都太宗時賜子光友姓世良田以靈仙
主妻季頻進參議右中將從三位慶安三年敬公卒
光友自江都奔喪留人函闕辭列侯使者賻贈一無
所受敬公溫克好學著國初年譜成功記神祇宝典
等書光友又賢尾人歲集熟田相鬪比吏至傷者已
多又捕行旅祀鶴宮光友欲不改父之道唯令禁此
二事平居俸素啜食一肉一菜而其夫人者上之姪
也常曰我為女子故為尾夫人見上有德色所求莫
不獲以未曾增尾為湯沐邑每食常饋珍異後曰婦

養子夫者也而却養夫乎不受小瀆侯士殺役夫于
尾侯館士于寺使自殺光友曰士而殺徒罪不至死
以我之故使自殺之而館之于寺者為僧請我也救
死而不恐威者僧之職也殺之于其側不救何以為
僧使吏逐之其以貴不凌人如此為權大納言憲宗
時老子參議右中將綱誠前賜世良田姓者立為尾
侯次子義行封伊奈三万石徙高須後以兄之子義
孝為嗣己老義孝卒無後義行有庶兄曰義昌封深
川三万石卒季弟義方立義方卒子義真立德宗時
卒以年不滿十七不得置後先是光友卒謚正公綱誠立為權中納言卒

長子從口位下右兵衛督吉通立是時史或欲擇卒
史罷老者罷之而救急吉通曰小人不愛四支冒寒
苦者以身老妻子有歿託也今棄老者何以得壯者
之力不聽章宗時卒于權中納言子五郎太立三月卒
贈參議吉通弟曰茂孝經及通溫宗春茂孝前為高
須侯後於是立繼友為尾侯以前歿食二万石與通
溫享保中者狂易疾因除繼友為權中納言卒侍從
主計頭宗春之三遷拜權中納言初繼友以上自紀
侯登大位已不得立不能不慊于中為病卒又廢通
溫不置梁川後宗春望之作書誹謗朝政上宗俟約

因益示奢侈不奉法府立戲場不設禁尾政大壞居
江都時常出微行無日夜與富商賈豎為豪華相傾
五月五日為子五郎建神祖所賜敬公之旗自後
門延觀及市井夫婦示諸續飾力捨甲冑宗春賜服
奇裘服倚樓臨視不曾隱蔽自尾至江都道上之儀
仗盡怪瑣上使受尾之事者留寺瀧川元長江都尹
石河政朝畏以法宗春飾辭拒之又使知政事乘邑
言之不可會尾卿言宗春不任秉敬侯之業使列侯
長者淺野吉長宗室長者賴貞賴幸適尾之邸集尾
大臣廢宗春立宗勝宗勝光友孫也父曰但馬守友

著宗勝又為但馬守賜故義孝邑拜左少將於是立
為尾侯以次子義敏代為高須侯宗勝室曆中卒謚
懿公

紀侯德川賴宣神祖第九子也初食邑八野信吉卒
代封水戶為常陸介移食遠駿五十万石知政事安
藤直次兼相事從如京師進從三位參議左中將甲
寅從圍改軍罷從德祖元天王寺明年命參東衆從
賴宣請為前軍神祖悅其言曰泉紀之間多與改者
後軍任甚重且一戰不克使汝更行然賴宣以不及
戰為終身之憾是時松平忠次復曰氏分其衆與賴

宣又遺令駿諸衛任賴宣賴宣狡猾多材藝神祖愛
之賜名器尤多而自以為承菟裘之業不同尾水其
相直次憂恐以死抑折終為宗室之望元和二年神
祖即世賴宣奉命造廟久野明年為權中納言五年
上親命賴宣為紀侯賴宣未拜如有患惟執政贊之
而後受寬永元年城二條三年從如京師拜從二位
權大納言於帝幸二條有司以諸侯從者為道上衛
直次以賦數聽命賴宣作色曰尾紀等耳若以賦數
紀為次國直次抵掌曰老臣誤矣諺所謂逢三歲兒
得涉者邪君無憂老夫在此見執政咨之不可乃直

入見上于寢殿上許之六年城江都賴宣善察人之
所毀譽枉己從人嘗曰善容言者以人智勇為己智
勇不善容者反之是以人材得宜無不竭力所交仙
臺侯小倉侯柳川侯松代侯所資贍渡邊光吉三刀
谷孝和龜田高緒所招致大崎長行咸天下之豪傑
也然其求之至精如治右馬東二轎肩之載毋妻與
衣被各抱一子往來尾濃之郊或學之賴宣曰右馬
居津山為世子舍人世子根有力其君欲殺之不充
右馬乃執世子以媚其君是而可忍何不可忍雖武
何為紀磻碯少粟之數府均贏不足其法固有太興

作則以械畱之用助之有大賓客則移鷹犬歌舞之
錢拱薇令則假減俸祿常歲有餘各藏其府雖儉歲
無有不給曾渡海水主五人為雷所擊入渦中幾沒
賴宣言笑自若曰雷獨不可禽乎削明鄭正固請兵
奮將行上不許問可使伐島原者賴宣曰此賊也拳
一卮屬之誰不能成功諸將削夜襲營以賊尚強賴
宣曰不然賊之計已窮矣敗不出十日諸將不信竟
如其言上已誅正雷得賴宣所吏通書執政問賴宣
賴宣賀曰賊不誅列侯而假名宗室雖逆無道知天
下之深戴德川氏也臣身不足惜願絕臣屬藉收臣

茅土剗臣肝腸以安臣度之心臣之死猶勝于生賴
房光次執政之臣僉曰紀侯言是紀侯不宜有它心
賴宣曰詐偽不止是願莫斷賊三數人以備考驗上
許之罷紀侯并伊直孝曰縱橫揣摩雖獲張不如也
是時夫多為耳目者以故探知得書預慮所以對得
事解然不遣國十餘年或言嗣位初賴宣喫臂祭光
陵使求之其書有孝上信之乃許就國寬文七年光
猶欲為國家一効力曰太祖卒及時已辭位雖燕居
及朝廷之事危坐聳聽見光貞手搏謂其傳曰項籍
不言予劍一人之歎不足學夫臨歎制勝項將畧如

何耳項籍之所不為而為光貞願之乎於是光貞立
為權中納言十年上封光貞弟賴純為西條侯賴宣
多與之室器曰以是獻紀侯欲可得賴純信妾之言
廢長子賴雄立其子賴致賴雄如由邊以為得罪千
父不當戴日全由邊不下興後德宗知見寬徵之使
者未至聞賴致為紀侯吐血死賴致為紀侯少弟賴
安代為西條侯卒子賴邑立賴邑致仕以賴致子賴
淳為後紀侯光貞子綱教為常陸公憲宗以明信主
妻之是時上無它子以故愛甚遊紀弟主言上封綱
教二弟左少將內藏頭賴職左少將主稅頭賴方各

三萬石賴方德宗初名也明年權大納言光貞老參
議綱教立為權中納言室永二年卒賴職立服未除
聞父病篤馳歸若山逢其卒毀瘠死贈從三位參議
以遺令立賴方前明信至所請邑咸復入于官賴方
改名吉宗遷為中納言室永五年增與紀州地四百
石迨入承統以西條戾為紀戾名宗直延享中至從
二位權大納言奢俊國復貞

水戶威公德川賴房神祖少子也四歲封下妻以幼
見愛幸常抱在膝上曾從容問諸子所欲義直曰願
得大國賴宣曰願得賢臣威公時六歲應聲曰欲得

天下上愕然不言推墜諸地每裁折不得比諸子既
代賴宣封水戶削五萬石從如京師為左少將左衛
門督賜德川姓攻改令威公守駿府元和申遷參議
益三萬石寬永三年從朝京師為權中納言六年城
江都大宗敬威公至以長幼飲酒威公子二十五人
谷氏出口賴重光國勿舉三木之次區之之次前居
京師納女于大納言滋井季吉見寵為夫人於是屬
賴重于季吉寘光國于家長見之威公威公不憚不
為子之列大宗以水戶未置嗣子命其相信吉擇可
立者群公子聞上之言敬信告甚謹光國僅六歲呼

信吉曰叟來執鯨與之信吉出曰是可也言上之為
世子拜右少將左衛門督季子吉實賴重居天龍寺欲
為僧之次不欲告之勝姬勝姬威公慈母也閔長子
而不得為世子為上言之上使徵見封下館是為讚
英公內城災威公致役徒興作水戶邸燒大夫請賞
出秘書者威公曰我不志之思惟賞之問傷令涼以
它事賞之可矣威公不知字而欲述國史屬之世子
歎曰子孫無見我書學字三年而書江淹文賦寬文
初卒子右中將光國立是為義公字子龍紀初疾與
威公咸万姬子也万姬以孫女欲妻義公義公辭以

同姓不通婚姬乃避人閉室以冥相通義公終日正
坐不言姬乃止又以起兄立不自安讀伯夷叔齊傳
善兄弟相讓欲必傳兄之子以自成其志當威公卒
與兄共至柩前請二子子之賴重辭義公曰若竟不
許是使弟負不義之名于天下也弟不復主喪賴重
乃許時天下弟多殉義公切禁止之明曆災夜半有
砲聲威公警將出止之曰非兵也使問之無丸之砲
也駝楓山之盜云遊鉞子港海上有聲潮大至左右
走請御舩義公不應歌而不止潮亦不至義公既立
以為孝莫大績其志選史自神武至小松帝本紀七

十三列傳百七十表志若干名曰大日本史聘天下
名士以預著作以為神功后撰政列之后妃大友皇
子已立躋之本紀南朝雖微正統也繫之正朔至神
畚之遷皆前史不及正為世子時首論定季威公
之志也學士林春勝撰本朝通鑑義公見之多歎哉
正於是置史館俟後有繼及教成國子皇宮災詔上
所燔之書所進多於前帝悅又命撰立坊立后儀水
戶置祠官毀淫祠三千新造寺千編不持戒僧為民
三百餘人法教鶴者死夫捕罪人至義公以為不可
為禽獸殺人然法不可廢集僧觀之僧無言者陰教

一僧救之赦罪人逐僧不言者憲宗時蓄儒臣髮亦
自義公發之憲宗承統與有力語在堀田正俊事中
既參政正休殺正俊于朝死知其為國死親至其家
問妻子上親聽越之獄會宗室于殿中位二典于三
藩之下義公曰我從三位也居正三位之上乎讓綱
豐居上上曾馳驛召義公于水戶不俟駕備而行驛
夫不知是義公不月給馬輿駕重乃得行敬上命如
此而不阿意旨明信主嫁紀世子為幼故欲為起宅
東城使侍中問三藩義公曰不可主內有傳姆外有
家令雖在紀邸何慮若以幼故莫若待長且紀世子

居東城大好未知出時如何上曰善然心欲以紀世
子為太子使成貞以其私問可為太子者義公曰上
春秋方盛不必無子當是時置立子于何地耶万一
無耶甲疾在矣不可則尾世子在矣不可則紀世子
在矣又不可則綱條可矣何遽勞慮之在上益不憚
是時世子綱方卒代以其弟綱條讚侯曰易嗣欲顯
君之義也一之猶可其可復乎必立賴常義公曰賴
方死而復賴常天下其為利其死固請立綱條而怨
其兄不嗣死稱病請老上義許之召見拜權中納言
辭曰致仕之臣不敢當也知政事忠朝趨進曰威公

以納言為水府祖君若不拜水府復無納言義公乃
受義公以為人事畢矣歸水戶起家于威公墓之東
題曰梅里先生墓自撰之銘相地于兩山之間居孝
僮二十餘人耕田而食如編戶之民稅厚則憂薄則
樂僧之投宿比辭去竟不知其為貴人嘗如府城見
席新曰是非隱士之席不坐本庄夫人家令木下信
真任姻親藤井德昭仕水戶綱條新立不熟政喜德
昭之辨欲為大夫水戶相中山信成不可德昭乃矯
義公命奪信成政稍于國政謂義公曰侯之意欲如
此謂侯曰納言之意欲如此義公知之未發德昭恐

謀已知柳澤吉保不善義公告之納言病狂易為國
之害又恐不能保身以不慎宿衛為今侯之罪吉保
告正武正武正色曰我主水藩是非小事而不之知
乎若言者我不任職也且君何從受此語吉保不能
對罷初義公以議世子不中旨既知其出于忠厚於
是上使養仙主告義公以正武所聞吉保之事義公
知德昭所為如江都置酒作猿舞男女無少長咸召
觀之義公將舞更衣于帳中出書于袖數德昭抽刀
刺之自背達地不殊執扇出舞見者始不覺其有異
初德昭與其黨盟每出屬載書于妻曰聞我死燒之

云是日義公使吏掩取之示德昭殺之正武閱其書
曰殆夫太伯網條將殺其妻子戮其黨義公曰禹首
懸之子也舜不以為戮德雖不及舜刑不可濫倭曰
之欺人使我父子不悟其非况佗人乎盡放之上台
使講大學義公曰積善之家必有余慶文王治家盡
善敬止開周家八百年之基者以于至善也上稱善久
之時朝廷益侈靡用浮屠之言禁妄殺生罪殺犬者
尤多義公布袍皮袴獻犬皮十枚于上曰此水戶所
多有也辭出都夜稱使者還見甲族事秘無聞既上
使者至數錢買魚親割烹與之食遺之耕馬與一斗

之來謂使者曰田舍翁無剛使者因使語尾隱疾曰
三藩宗室之儀表君以病不能朝見致仕不且屢出
義公年七十四卒綱條字九成是為甫公遷參議從
三位上名鷹司輔信女嫁甫公子吉字初義公分新
田四万石封二弟賴元賴隆於是上遊王家封賴隆
為長沼族賴元子賴貞為守山族以前邑歸宗國以
水戶為三十万石吉字享保初卒謚恭伯甫公卒讚
惠公子宗堯立字子勛立十年卒謚成公子宗翰幼
立
讚英公松平賴重水戶威公長子封下館侍從右京

大夫會高松族有罪國除徙英公封高松以使賀即
位為左少將讚岐守初義公子英公之二子以為己
有子國不得安不取夫人不舉子水戶卿伊藤友玄
知三木之次女幸有娠陽為病呼置己家至期生男
已長言英公英公悅將為世子義公不得已見之嚴
宗聞之命為高松族世子英公老代立是為即公名
賴常為讚岐守初英公造窟室避雷其相曰窟室甚
善然不可踰嶺涉海者其制不備也請復改作公乃
謝相求休立毀宇節公為左少將卒英公孫賴豐立
是為惠公特進德宗如光陵以惠公為大留守卒從

弟賴桓立是為懷公卒守山莊公子賴恭字子敬立
讚世以使京師進爵位為特進預大議
額田恭公松平賴元水戶威公弟三子也字叔長義
公以威公命與之四万石上不許而食額田二万石
恭公知治體以為小人憚遠長官有議事使早者先
言或請大臣監出納不可曰皂隸之事官司之職有
制不相侵若大臣侵早者之職何制之有夫人無不
自愛何必寵貴不可以貪墨視人也性不驕侈牆皆
植木束以繩寢庭布以十年方偏惡浮屠不入停中
元燈溫柔居常怡然隸人洒水于庭洒公之衣笑

曰遇人之怒殆死然當其叱人目皆盡裂有聞聲
愈瘧者云著兵書傳之後嗣論諸可不可憲宗欲以為大
老有閔說者而止元祿中卒子賴貞字子剛徙封于
守山使問義公之病德宗時以長老為左少將好禪
剛戾為人所悼故謚曰莊公子賴寬字子猛代父戾
好固初舊事文集古今自天子至士庶之詩曰歷朝
詩纂

長沼戾松平賴隆水戶威公四子遺令封二万石徙
戾長沼卒子賴如立賴如卒以水戶卿賴福子賴明
為嗣賴明字子新卒子賴永立

完戶侯松平賴雄威公第七子也天和二年封万石
卒以兄之子賴道為後列内諸侯享保初致仕子賴
則立

史臣曰三藩之始建也外是禁暴而内銷姦邪之謀
雖有遺令所以為循至矣哉敬公謹慎好學紀公好
士容諫威公折節奉法子孫世世長為藩屏維持大
統者咸基于斯光友之不下于主義公之崇儒懿公
之草蔽英公之有讓賴雄之捐介額田茶公之治賴
寬之文抑為宗室代表義公守宗穆之節而取鄧攸
之誅惜哉

結城保科越智傳第四

卷二十九

越前侯結城秀康者神祖之仲子也生育于本多重
次方怒其母不遜三年不見之長子信康佯為不知
抱入見曰容貌已異臣後必得其力信康死稍見愛
重秀吉欲親參求得一子而養之公乃遣秀康而未
有往會參人恐害公子笑曰彼自殺子何于我事秀
吉亦善遇為侍從參河守食万石或以為質子慢之
秀康立斬之秀吉壯之從如筑石攻山崎降之還為
左少將結城晴朝並男子秀吉圍小田原晴朝舉兵
應之取小山榎本守都宮至小田原請以女妻秀康

為結城氏之後已致仕秀吉許焉於是食結城十方石奧州亂率
兵赴之未至事平後從北谷古屋遣參議秀吉覺流言不止如阪
必秀康亦伏見嘗使伊奈人成發大衛秀康不遣部署以俟
後閱軍書秀康勝伐會津之役從至宇都宮會成及公問孰
伐秀康言先三成因留之守宇都宮與之甲曰我破此甲器皆克
今與汝委汝大任景勝未慎勿與戰俟涉河從後擊
之秀康曰景勝自守之虜不足慮置忠告于此足係
衆之心臣願從死于三成公曰汝血氣方剛一騎將
能之耳我親諸將無當景勝者故舉根本委之于汝
且諸將之家在江戶汝居此諸將無內顧之心本多

正信扇秀康蹶定耳語曰幸哉有此子於是秀康乃
奉命留守都宮仙臺炭山形炭佐野炭立山炭中村
炭用館炭既橋矢作小見川板橋土浦松藤咸屬等
世子引軍西秀康從騎五人追與相語其事無聞者
上誅三成曰此捷秀康之功也封越七十五万石治
于福井是時命秀康擇播越孰欲居長谷部采女曰
人言一播二越此殊不然越大而險近二都而扼北
陸咽喉非播之比後遭大空怒采女曰以鄉土欺我
神祖使使言朝于江都秀康主閔不入砲秀康怒
欲伐閔吏卒愕逃散秀康留越騎守閔神祖聞之笑

曰閔吏得上策二祖乃觀角抵于越邨謹不能禁秀
康起左右頽擊延止二祖稱其有威可畏德祖從容
問曰北州得無有異對曰有異也水皆逆流德祖默
然秀康以為失秀賴有兄弟之分憂其不能善終言
嫁天壽主進內大臣藝戾正則知其意屢如福井然
後竟絕不通曾肩進舜姪者云天下第一秀康泪下
數行曰嗚乎我不如此姪慶長十年為權中納言明
年以諸戾築玉城有病如白山本多俊次見秀康遂
為父泣康俊曰嘻甚人情不至此既往見甚瘦惟帳
敞不修執手語使撫腹曰如此不復相見康俊不能

對出曰亘哉俊次之泣為越戾八年卒子忠直立從
神祖如京為左少將參河守城皇宮秀賴作亂兵本
多忠政督魏州兵遂進攻改事在前田利常中明年
又攻改俄為前軍神祖謂越相富正曰忠直不及若
江之戰詰且之事恐亦然改行我之過也我甚望之
忠直聞之切齒曰我必死吉田修理故仕羽柴秀長
者道軍夜登茶臼山忠直大呼下山擊敗山下之兵
追北入城植旗放火以攻獲改將真田幸村御宿長
則等首凡三千七百級改平遣參議忠直以為大増
村朝駿府手賜千金茶壺忠直大望撰指出陸地而

壞輒曰我神祖之適上之長塔而軍功無出我右者
人主不百年宜及時為樂斷人支俸屠人腹腸而後
樂不者不食登樓射旅人無往來者逢孕婦刺之門
庭之間仆尸枕籍有諫者乃殺人或曰其父元和三
年改越前守是年親斬人傷額稱病不朝上知之使
人召之不得已行至関原而稱病還上遣其母中川
氏于越喻使致仕又召其弟忠昌等曰越族不致仕
以汝為前鋒伐之忠昌曰孰敢逆命至戰臣請亡直
基曰臣不樂生願兄弟同受戮于越中川氏如越忠
直悲曰兒受越于先君而不受于上上之命我何也

中川氏責曰汝不知有上無忠也不思母老伏劍無
孝也無忠無孝禽獸之不若也我不子汝久之忠直
聽其母致仕子光長立越相本多成重曰君幼多寵
難必及上書請仕于朝三却不可上曰主無道而不
亡者以其相之賢也成重去越其不國復無可相者
寬永二年徙光長封高田二十四万石與大崇主湯
沐邑二万石分越為四封忠昌于福井五十二万石
直政于大野五万石直基于勝山三万五千石直良
于木本二万五千石除敦賀凡國忠直弟皆封邊思
直居萩原食邑万石二御史監護於是上遣人迎主

及光長居江都光長後部真田信幸真田熊之助真
田信政真田信重溝口宣直溝口宣秋溝口宣知溝
口政勝溝口助勝溝口直勝溝口宣俊佐久間勝長
佐久間勝高佐久間勝盛織田信昌本多政顯戶田
忠能北条氏宗浚江都隍又致工役于光陵慶安三
年忠直卒忠直既遷生長賴長良一女朝廷以忠直
之邑之半與二子仕光長昌永見氏嫁女于小栗正
矩主大六正矩大又重常天正中送秀康如阪因仕
越貴盛正矩有邪謀施于國々人歸之不從者中以
法世子死言立長賴子綱因代之為參河守綱因德

之厚賄光長侍者知其所欲為求美女納為妾久之
知其見寵言曰君老無子万一不諱保榮貴尊富如
今日哉為子之計莫若請君子大六使君致仕傳致
仕之邑于大六大六得封德子重子厚子子何慮光
長惑乎正矩因與妾私誨之子大六鳩世子世子死
非大六孰主趣光長上書請幸使者行有期高田文
武八百五十人叩上卿萩田主馬門告之主馬驚告
長良亦入諫之光長曰無之遂罷正矩致仕不得擅
求是年正矩家多買芒齋宣言伐二卿國中相聚欲
殺正矩長良止之是時大老忠清謂侍御史典越之

事渡邊綱貞曰安藤治左重臣而亡越其為越助正
矩君之甥而為國之柱石雖有咎猶宜宥之當國人
欲伐之恐生亂而不動忘身徇國忠孰大乎安藤正
矩之黨也光長如江都廣賴侯近榮侍御史綱貞受
執政之言奪長良政復用正矩之黨正矩宣言作難
埋地火于某高民驚散數日諸官長朝附莫背竟不
能和執政言上因長良于秋主馬于松山以靜國人
會嚴宗新奔群臣憲宗雅不悅忠清大疑越之事遣
二使于越與國嶋壹岐厭川万四千石本多七左五
千石使為卿二子見國人反計從正矩曰邪正相攻

不至滅亡不止臣等不任職請從是去正矩以為去
二子國可得也欲逐之光長不能決使人詢于政府
上召正矩等命知政事重通正武詰問正矩曰以臣
不肖不有死專為酒井公久世公土井公渡邊公皆
上所命典越之事雖一事之微無不取次重通曰四
子要知越之事唯因子之言耳子已為相何以取決
子人隊長以下見汝之子如見君之子四子誰許要
朝廷死賜侯之鶴侯不與長良嘗而與汝宗族食之
四子亦豈知之耶正矩不能對重通復問長良主馬
子國之棟梁也姦臣擅命不知大臣之任於何有二

子不能對明日上會宗室百官于殿中親德無異遷
光長于豫州松山食万石因綱圍于福山放長良主
馬壹岐七左治左于海島殺正矩父子削姫路廣瀨
之半盡收越寶器光長居松山八年上召還見之問
其老復賜越寶器食三万石為起甲第居之綱圍還
有心疾死以姫路侯仲子長矩為嗣子光長老立之
後二年封津山十万石文宗時賜名宣富事德宗六
年卒子淺五郎嗣侯侯五年卒幼不可請後上立知
清子長熙為津山侯後削五万石益衰長熙卒無子
以宣維仲子長孝為後

福井侯松平忠昌秀康次子也幼居駿後宮中偶使
如江都德祖留之封姊崎侯改之役為侍從伊豫守
進從四位下又伐阪令未冠者不從軍忠昌聞命下
元服見德祖愕然與之名賜刀佩之從越相攻阪于
斬阪一人破城光登以功徙封下妻侯改封松代後
三年徙封高田二十五万石追執忠直立忠昌為福
井侯辭曰光長在上曰忠直之罪不置置後立汝者
承初侯之後也忠昌曰上之於越至厚然兄而無後
臣義苟不奉命上乃封光長子高田為忠直之後寬
永元年福井侯忠昌造淺州門三年從朝京師拜參

議九年德祖不豫獨馳至六鄉津吏止諸侯問病者
乃從海上入江都德祖悅十一年上如京師留忠昌
守江都明年兵木下二万石十三年部松平秀就松
平直基松平直久本多成重九鬼隆秀城江都正保
中忠昌卒子光通立以松岡封次弟昌勝以吉家封
季弟昌親光通娶光長女為夫人無子聞妾之子直
堅居福井欲子養之間光通光通疑其怨已佯驚曰
無立昌親為世子納所食之邑于官直堅傳望不立
直堅延宝二年竊遣直堅而自殺直堅如江都見大
野侯直良直良扼腕曰一宗七侯特以我可託我力

猶能得諸宗國請宗族會食比醉出直堅居上坐敬
如見福井侯為言所以為未直堅伏地曰願諸君免
我死一座大驚相視無先言直良曰諸君勿憂直良
雖老力請之于上咸許之光通聞之羞慚自殺直良
見昌親曰殺兄而不讓孤匹夫不為昌親病之執政
曰子不令于父不可得業免死為大何嗣之有強立
昌親拜侍從直良望不能納直堅又恐其志死語知
政事廣之曰直堅死臣何向目見天下人或負死如
高野上憂之竟以直堅為備中守食万石昌親為侯
三年老以次兄昌勝子綱昌為後貞享三年昌親道

今之戾有狂易之病致仕者國之幸也宗族不可乃
言上曰綱昌久病不能朝見不可奉上臨氏憲宗乃
起昌親為戾削園之半矣故戾二萬石終其身是年
增直知三萬石戾山形增近榮五千石以慰越之宗
過昌親甚渥賜名吉品并左少將越一宗剛愎而吉
品特寬有人壞雲母障吉品曰如此我亦有之此物
累人多不復作鷹為犬筮夫拘牽犬者其主恐請罪
吉品曰其主固當不知雖牽者豈故使噬君之鷹耶
命速出之吉品致仕故戾弟吉邦立越有公田十萬
石章宗寄政于吉邦吉邦暴于田有不如令者以砲

親格殺之後無敢違令者顧本多彥左曰以此衆戰
莫不克對曰不然今天下一家雖惡暴政無所亡逃
偷生于白刃之下不得公至如兩國相敵去無道就
有道君何以使此衆吉邦怒不言本多親玄放聲哭
曰彥左在先君時越不削今生無用之時不得施其
材雖然願勿忽其言吉邦曰善從是過下稍寬事德
宗六年卒吉邦兄內匠頭宗昌給事于中數月代父
為松岡戾於是地人嗣福井戾為侍從卒主稅頭
知清子宗矩嗣見今為戾
松江戾松平直政秀康弟三子也改之役直政年十

五居越軍中沒將南條忠成將降使先與藤堂高虎
相聞奉火從內起約定未發會誅泄誅後適失火加
兵以為忠成進攻城直政先越衆而進死者如丘不
解安藤直次引直政退叔越兵神祖怒于令願見其
創不言然心悅其有勇改平代次兄封姊崎通越之
邑二万五千石上執忠直割大野封直政除前所食
從如京師拜侍從久之徙為松本侯寬永十五年封
出雲十八万石治于松江領隱岐之政嚴宗使直政
往京賀即位進左少將上遣諸侯于京師者欲進爵
位也直政生四子卒長子綱隆立歸隱岐于有司延

寶三年俄病卒仲子近栄分食墾田三万石邑于廣
瀬坐越之事奪其半後稍復之如故子近時集刀
稱之隈列内諸侯近時孫近輝見今為侯叔子隆政
邑于母里食墾田万石季子直丘代兄為母里侯成
駿府自大衛將給事于中未為奏者终于奉朝請以
新莊直詮子直貞為嗣綱隆子綱近平番町焦土既
分新田万石封弟吉透尋患明致仕立吉透吉透立
歲餘卒子直維立如京賀女御為左少將復治隱岐
如初侯時初德宗為世子娶伏見玉貞建妹使其季
妹嫁直維自建以為非耦不得已于上許之夫人驕

遇宣維不良憤慨卒夫人之子宗衍立
姬路侯松平直基秀康第五子也德祖養諸後宮中
至晴朝卒封以其邑奉結城氏之祀以晴朝尤愛之
也乙卯斬首五十一級上已執忠直割越勝山立為
勝山侯從朝京師為從四位下大和守徙大野久之
封山形侯十五万石為中國探題徙姬路卒朝廷以
嗣侯直矩幼故徙之村上明曆中命造正殿寬文七
年復封姬路拜侍從憲宗時坐越後之事削八万石
徙之肥田不使從侍從之列後五年增食山形十万
石徙故班後五年又徙白川食十五万石卒子基知

時凡四助大役以新田万石封弟知清初基知幸臣
土岐甲為君多買美女謂其相曰公未有世子姬妾
之中有亘子者固之福也相然之不問其出入基知
日共婦人飲酒不知外事竭府藏賜于甲甲又自盜
取之軍國之用皆盡以其黨主租稅厚歛于民戶口
衰減並馬給驛享保五年白川民万餘人踏藉市中
至城門之下得吏甘心受相乃執吏之尤貪惡者諸
百姓數日方定於是甲之姦事盡發基知猶與不忍
誅之其無所如此十四年基知卒竟無子知清子義
知以地入嗣盡逐土岐之黨以和其國元文中以使

賀女御拜侍從寬保元年從封姫路自初侯受封于
移岡三封姫路

大野侯松平直良秀康第六子也上巳執忠直以越
木本封直良徙為勝山侯又代兄封大野侍從但馬
守延室中卒憲宗後徙嗣侯直明封赤石六万石造
知足院成津山老子直常立浚大和川

直堅子直知襲食万石憲宗時給事于中數月久之
又為親信卒以廣瀨侯近時子直之為後列内諸侯
德宗封之厭川万二千石歲餘卒定負子直好立
會津侯保科正之德祖子也七歲從保科正老如高

遠事在母靜姫傳正光既育正之與之保科氏以為
竟無頭時如駿見正之于駿侯駿侯曰我弟也厚贈
與之時為上言追淺妃薨台居江都正光死代為
高遠侯德祖厭代命正之興作廟陵是時未頭言德
祖之子畢役往謁光陵有司譏曰高遠侯正之於前
朝雖不得為子不亘吉服助祭祖廟上以為然使追
止之然正之謹慎不請服喪既為從四位下肥後守
從如京師拜侍從寬永十三年以島居氏之墟立正
之為山形侯二十万石明年大治宮室上居西城以
正之之衆守東城耶獲起群臣欲使正之為將上曰

神祖之訓有之西有變則東之顧於東亦如此今更
在西遣正之就國正之至山形白岩民謀殺吏作亂
正之使人誘召之挿渠魁十餘人或曰佗縣之人不
可擅執正之曰我方憂天下不遑計國殺而泉之市
奧羽不寒而慄無敢為非上善正之寬猛當時以為
可大用賊平歸江都使侍中正信語後今以往事者
不便于國言勿有死諱正之曰臣愚不足奉命惟上
留心度政周諏芻蕘天下萬世之幸也條教事以聞
咸見聽納內城火率兵巡城下遂入屯東城從是行
出以其衆衛東城尋以勞于奉賜獵野州上又以加

藤氏之地三十万石徙正之為會津炭正之以為踰
水戶辭受二十三万石領南山之治以保科氏之名
畧與正光之弟正貞明不承保科氏也正之就國問
民之所疾苦免連債蠲雜稅立社倉郵行旅止火焚
賞節婦孝子禁異言姦色養民九十以上者殺產子
及巫祝眩民者咸有刑不得擅為僧必言之吏建寺
在二十年之後者毀之國大治時岡山用熊澤良久
政繁苛盡欲廢寺正之聞之曰岡山雖務治不如鳥
取之寬大浮屠雖可廢之不以道則不如不廢矣
良久去浮屠侈于前如正之之言會津人或刺僧僧

爭之中其人死自念無見者訴之不見信甘心受戮
正之知其自枉問之得其實出之以是允塙由獄僧
隱元獻費隱錄正之曰隱元之教出于殺母者若受
之與殺母者也却不受上既賢正之出入常從侍宴
為世子理髮拜左少將天皇以神祖德至大踰其廟
曰宮正之為上往祭告季上病篤執世子之手授正
之託以後事為大傅秉國柄上已不起居西城三日
出命興作廟陵終祖廟久之謾者以西州水出欲緩
朝鮮使正之曰天災流行無國無之不可為諱緩二
國之驩是長其災也上乃許受其聘正之嚴正口絕

不言飲食臥起有節不離常所君子曰大傅誠敬忠
義使人望而畏之懷而服之有房杜之知魚郭李之
體可不謂賢乎讀詩至黃鳥之篇傷三良之無辜而
死立謾禁殉死憂輔臣不學曰知慈不知仁何以長
于國家當今之務興學為急咸以勇武相誇正之曰
我暇常我世無所施勇武京兆尹問湯武之事對曰
學者於聖人之事不有問然不食馬肝不為不知味
不謾放伐不為不知道唯戒臣子勿效此已京兆尹
深然之有贈執政直澄千金茶壺者以問正之正之
曰唯公不知我之不受孰敢嘗試直澄心愧大笑以

局戲又以為猿舞不可善俗盡出之上遣正之謝右
府之命進從三位左中將正之以為執政無過四位
為福故也貧寵辭官則背願命季固辭從三位明曆
灾上避火西城大臣問正之其家正之正色曰未知
長主所在而問妻子耶正之未知後如緣陵見死者
相藉無葬之者還言上收座立寺其上号曰無緣寺
於是御史請糾職不職正之曰定都以來七十有餘
年未有如今日當急失措誠其所也安推不戒之人
暴不令之過哉寢不問執政惡士宝器欲秘之正之
曰不可無而言有後世必有任其罪且夫國家死宝

不在此何足惜也大倉火久不滅吏欲滅之正之曰
都市皆焚非微蚤之時火亦不可不滅臣惟縱民取
穀盡火滅上無煩吏下可救急使蒙大孝上從之
民得其利正之久居重位恐盛滿致禍固請歸獵地
米澤侯夫人正之女也無子侯之妹適吉良義央生
綱憲侯死欲立夫人之弟正之曰雖均之異姓哉姪
之子之有屬不如夫人之弟之無親言立綱憲而監
其国事盛岡侯有子弟不相善死時上書請立它嗣
執政遣正之子正純不可曰兄弟以細故相望非有
大過不可取異狂亂其族議分其国封二弟天下皆

稱其義久之正之惠明上曰我聞治目傷臂為國家
自愛勿治偏疾命賜與詣朝正之前懲由此九橋多
茅子謀及惡山鹿高基處士與列侯結婚諸侯信其
言茅子衆多屬吏暴造言之罪因諸赤穗以風土記
七作會津風土記欲推及天下未及言之會病作老
上不得已許使致仕然有大事必詢之而行寬文未
病作令知政事侍中交往問卒賜銀五千兩以葬正
之受學于山崎嘉受神道于吉川惟定更以神道授
嘉於是葬以神道令夫人勿預國事嗣侯不肖上封
而退作家訓矣之上所著書于朝子正經嗣為特進

長岡鐵遺之糶正經多病憲宗初傳子弟正容正容
使賀立坊拜左少將致工役造三城造皇宮上惡大
臣強危宗廟思正之輔嚴宗賜正容松平氏及服葵
文示天下以正之德祖之子也是時兄子正邦為會
津嗣子名清閑主許之聘會其卒正容為左中將卒
子容貞立享保中浚龍溝為適長孫理髮拜左少將
使如京師

館林侯松平清武甲侯綱重次子文宗弟也初松阪
姬天壽主侍者也與主共冒兵火之難以故甚親愛
之使家令越智清重辦事之綱重從主居通于姬侍

者保良生文宗後主知保良復娠出嫁清重清重居
諸別室不敢近生清武清武因冒越智氏侄姬與清
重之邑賜清武元祿十五年憲宗如甲邨召清武為
下統守室永中封館林二万石賜松平氏拜侍從文
宗厭代遺命食五万五千石享保九年卒以高須侯
義行子武推為嗣好詩及國風室之壁左書視民如
傷右書納諫能改之字為侯五年卒國人惜之無子
長治侯賴明子武元嗣後侯棚倉為君近將監自奏
者兼相曹信宗時為東宮傳侍從歲餘為知政事
史臣曰在漢初劉肥以度長王齊七十餘城子孫以

為失職怏怏不循漢法越之宗類此微中川氏所以
不為吳淠幾希矣會津侯躬艱難熟世故服阿松之
剖式高遠之賢以親身托與羽之元以謹遜居阿衡
之任懿哉議者比諸東平或德祖之穆獨會津至于
今越智氏之興與二國同而僅比諸松時已懸隔達
兩朝之短祚也

二子亦恐參公誅已亡死于外俊勝大望曰使我与
殺舅氏汝身不見參公康元弟曰康俊定勝之子
孫允盛康元代父居西郡東迂時封關宿從至磐手
公見其衆盛善之倍其邑為四万石關原之役留康
元守内城以其子忠良從軍擊破三成如大阪使忠
良大湏賀忠政守大津又為其弱遣酒井重忠後三
年康元卒忠良代侯再從阪之軍功多益驕奢縱民
侵盜使鷹至它縣郡代伊奈忠治移書責忠良
怒于朝格忠治傷額上聞遠召忠治謝從忠良關外
元和二年封大垣五万石於是深自引咎惟補前之

過上善之欲封大國聞其病遣官衛副帥大田資宗
大垣諭旨未至卒子憲良從小諸卒憲良子廣元立
歲餘卒封憲良弟良尚于那湏為後慶安二年徙食
長嶋万石老子良昌憲宗時殺家監典客無辜者六
人失族上賜其二子尚顯尚保邑不絕其祀

久松康俊以同母弟賜松平氏公圍吉田守將欲得
質子歸駿公乃遣康俊与酒井忠次女甲滅駿得康
俊而秘之以歸大悅會甲君又攻駿府康俊与參謀
謀亡見大雪士卒懈怠夜出匿山中歸參足指咸墜
是以不能從軍神祖曰康俊之功尤弟莫及它人不

知封久野七十石無子卒以內弟勝政為後勝政從
戰關原後居駿府補先驅將還自阪遷大衛將至駿
疾忠長見執囚所將士加砲卒為駿府留守增与二
千石其後所屬士請求不循法度上怒悉逐之廢勝
政卒于家子勝義又為大衛將役邑多古卒弟勝易
承後终于駿府留守卒又無子少弟勝以嗣寶永中
為嫡長孫傳給事中正德三年為大坂右副留守封
万二千石德宗時老免歸勝以孫勝尹信宗時為大
衛將

桑名族松平定勝者久松俊勝少子也秀吉請養子

于參公、將遣定勝水野夫人懲康俊還自甲病不
為人泣欲不遣公乃止而遣秀康關原之役從兄居
內城封長嶋疾移封掛川三万石使長子定行娶薩
疾女次子定綱娶紀疾女以女二氏名子姪嫁列疾
慶長十一年以定勝為伏見留守食五万石定行代
疾掛川阪之事起發掛川兵如伏見從入任吉乙卯
定勝守二條定行守伏見元和三年定勝封桑名十
一万石定行去掛川從父食近縣三万石既以長嶋
增桑名寶永元年城二條卒子定行代立割長島封桑
定真、前立功于阪之戰明年上增為三万石卒

嗣絕三年定行進從四位下後率兵收高洲十一年
從朝京師還從如光陵明年從封豫松山十五万石
耶蕪起歸國鎮四州為筑紫探題蠻舶入崎港率兵
赴之衆六千船百艘乃治初定行老子定賴代為筑
紫探題墜馬卒子定長立定長卒立今治族定治子
定直憲宗時興作西城使如京師拜侍從文宗立造
禰廟于楓山德宗時卒子定英立分万石封弟定章
以西州蝗松山民多餓死停朝百日免定英卒子定
喬立上如光陵也今市倫非常後使如京賀皇太子
元服拜侍從信宗時為特進

桑名族松平定綱定行弟也初嗣荒川氏久之其下
請立荒川氏之族傳通夫人不擇將究之
神祖止旨定綱以功自取富貴何以荒川氏邑為給事東宮封

出五石久之益封万石甲寅至自毀小田原補奏者以
宮衛將從圍大阪明年前至赤塚定綱善曉地形追
戰得先傳城既克使定綱等四將守櫻門遂成焉明
年封下妻三万石上反自光陵至宇都宮有告城主
反上恐不免脫身疾去使定綱偽為上病覆輿徐行
重論阪切徙掛川又毀伏見城淀徙定綱封淀五万
石曰是皇都南蔽也後徙為大垣族代光封桑名十
一万石是時故藝大夫吉村又右匿于江都區廬卒

定綱召之吉村謝曰從臣者多非万石不足食之定
綱曰与之万石亦万石之賦竟召之衆名有湖以人
祀之定綱曰神水之精也水竭神何依立決其湖害
絕蓋於書好讀孟子云嚴宗時嬖人松本齋弒之子
定良誅齋立明曆中如京師卒松山侯定賴子定重
立憲宗時給事于中定重峭直不屈時抑澤吉保諸
侯重賂事之定重獨如不知諸侯亦學樣舞請上觀
為吉保以是諷定重以不能舞辭竟忤上之旨
罷奪龍口第定重更起大宅于八町堀於是命修久
野廟國益貧擢野田增右于小吏為司計野田興利

出于不意人或言其姦譖殺之代以己之黨驕日甚
置妓傳舍已日遊之所興之利与公家中分恐誅之
至謀弒侯事發覺与其黨三十四人妻子無少長咸
伏誅上聞之徙封高田老初野田欲廢長子定達而
名所妻諸姬之子而代之伴事定達縱淫酒使輒殺
人因寢告之侯會事露定達立一年卒子定輝立定
輝卒叔父定儀立定儀卒無子以守山莊公子定賢
為後定儀之弟嗣水野氏者曰忠定嗣柳生氏者曰
俊平相謂曰我无不恤同產以死媚朝与絶定賢德
宗欲平之徙定賢白河使忠定先告忠定不得已往

於是与定賢平
今治族松平定房定綱弟也代次元定真封長嶋族
十年從封今治三万石蛮舶入崎港以共千人舟十
艘圍之嚴宗時為大畱守增万石進從四位下是時
与宇都宮族川越族入内城防火上褒賜二族衣服
定房望之移病不視事大傳正之使所善語曰君為
大畱守雖死不得去与夫二族自勵入防火者不同
為大臣忘職与列族爭功為君不取定房乃起視事
使賀女御拜侍從父之以老免死子定時立定時率
子定陳立率兵收福山卒子定基立憲宗時給事于

中德宗時老立從弟定胤
刈屋族定政松平定房弟也
親衛副帥一年封長島族徙食刈屋二万石定政躋
蹕有氣慨以為父松氏非有大勲勞以肺附故父子
兄弟咸受茅土之封宜有為國報恩見嚴宗未親政
事大臣不協心輔君朝廷不勝異議政令多所變更
定政憂之欲見上口陳恐為當路見抑折不得竭言
于前思惟所以自達置酒請上賜西尾族侍御史官
城和甫故江都尹石谷真清大衛將中根正勝大匠
牧野成常學士林信勝頃之屏人語曰前朝以臣備

葭莩之親辱大命啓茅土使幸比小國之君臣以為
死不足為酬不意山陵俄頽幼主耿々獨立萬姓之上
幸賴祖宗神靈天下無事臣雖欲展効致死無所當
極言正諫亦當世之失得以惜人主方今輔導之臣
多非其材執政酒井忠勝知政事松平信綱為政不
平取謗天下臣恐鼠竊狗盜之徒有以是為名者治
亂之機不可不深察臣隱默不言負前朝遇臣之意
言就缺質臣不敢避然惟臣煬竈無因到前臣義不
可據尊爵盜富厚謹藉國邑邸第以歸有司以布衣
終身公等為臣告諸縣官正利等未應出遺彦根族

忍疾書因正勝等遺之其書大抵有所指斥而有歌
九首其一戒矜智其二言知足其三慎禮儀其四尚
慈愛其五教民先正其身其六言者躬其七言道之
至者無聲無臭其八治煩愈煩其九積而不散禍殃
疾至定政夫人永井尚政女也有子曰定章定清定
澄出妻子特從定章如上野為僧乞食市中以糞上
一石見面悉其言正勝等已持其書言諸執政數日
復遺彦根疾書曰僕不能從正盛重次事先主而棄
妻子欲祈冥々之福嗚呼僕不復見務宗今德輔幼
主以仁臨民不吝錢穀賑群士使國家固千百年之

基草莽之臣復蒙其澤刈屋兵馬未有處分居茅失
火不測弓砲無主足下屬之有司勿重我罪乃治二
年七月十五日列侯見上將退執政以正勝等所聞
与前後書告列侯言除爵土咸言定政狂妄失忘幸
賴上寬明待其死奪爵土是於是執定政于松山三
子皆賜邑

加納侯松平忠政奧平信昌子也信昌督甲歸參甲
旗其家參公閔焉嫁長女于信昌生家治忠政忠明
以外孫故養家治為子賜松平氏為右京大夫東遷
後与之長根年十四死德祖乃召忠政忠明使元服

愛之甚至菅沼定利無後命忠政承其後食吉井二
万石從宇都宮西攻上田疾戰入其郭明年上封信
昌于加納四万石忠政于橫城七万石忠明于作手
五万石又明年封信昌長子家昌于宇都宮賜忠政
松平氏至父老代為加納侯食十一万石其後收上
野成焉又城皇官甲寅將美濃兵攻阪未行病卒上
以孤忠隆幼新用兵于阪復起信昌為侯使忠明併
將其衆歲餘信昌卒忠隆立寬永九年卒子左京代
侯頃之左京平無子國除
姬路侯忠明与家治同時賜姓為養子後食小幡菟

三万石為下總守從宇都宮還戰關原封作子從勢
龜山甲寅与素名侯將勢州兵赴阪會元率併將其
衆督美濃四侯先進阪兵壁牧方未合見忠明至决
澗水據之於是牧方之道不通神祖自奈良德祖自
田尻阪將出平野忠明与素名侯從之阪將走遂擊
破阪驅治河卒者二祖許和去命忠明忠政本多康
長瀧川利成山城忠久佐久間政實山本義一以諸
侯衆毀外城乙卯阪將盟將襲京師忠明并伊直孝
往戍京師既上至督西尾光教堀利重德永昌重遠
山友政屬于忠輝進敗後藤政次斬薄田魚相又与

真田幸村戰于藤井寺會阪相至告忠輝欲擊之不
可告仙臺侯又不可以無繼者止明日戰于玉造斬
首六十級秀頼死代忠政受降者禁不得出入衆城
門諸侯罷歸咸至忠明受期軍罷封大阪十万石迨
神祖厭代諸江都請曰阪者豐臣氏之故都而虞天
下之喉衿也諸侯朝于江都者海陸莫不過此若懷
先代之旧而忘大祖之德欣戴之意或有不專臣請
以家財造原廟于天滿使諸侯過而謁如此顯揚祖
德萬世無携戴之虞上許為阪之原廟忠明之造也
元和五年徙封郡山至江都与山形侯館林侯岩城

侯古河侯園藝郎免藝侯執之寬永初城二條浚川
田窪從朝京師拜侍從十八年從姬路封十八万石
為築紫探題左少將忠明記所見國初事名創業記
將卒以子忠弘幼屬諸大夫保忠任忠明之塔也其
後忠任死家亂忠弘立割三万石封弟清道其年清
道死地入于官忠弘嚴宗時城一谷四谷拜侍從三
遷為白川侯有罪停朝五年削地致仕忠弘愚不辨
菽麥事咸決于夫人、熊木侯女也與相奧平金
弥比行政夫人無男子以女妻松平兼久子忠尚為
養子欲以使承後廢子忠清知不得立恚死忠尚見

國人不知請墾田自別次相黒谷敷馬亟見侯言忠
清子忠雅夫人与金弥固持不可吏士亡者九十餘
人國不可為元祿元年敷馬上書言之上乃召忠雅
于白川使吏驗如敷馬言上乃賜金弥死忠尚以初
不知有忠清不坐敷馬為相不固卒陷主不義從八
丈廢忠弘立忠雅為山形侯忠尚為桑折侯後十餘
年忠雅移封福智山興作楓山後又從兼名為特進
如父祖時章宗即位使京師拜左少將
桑折侯忠尚本大給松平氏唐津侯兼父長子也為
忠弘養子分封為西城謁者德宗時卒以弟兼春子

忠曉為後奏者祠曹子忠恒字子久信宗時至參政
三田侯松平康長田原戶田氏曾祖康光居榆木
■傳至伯父光長屬于參公追參駿構兵光長母質
于吉田光長陽為叛不朝日以持酒食往饋于母因
過城主小原鎮實雙陸參取五油又与鎮實雙陸飲
酒使從者以厨盛毋覆以故衣云持歸澣之守者不
悟適中秋月方升計毋去遠燒城下亡去參公居五
油望火知光長出兵迎歸尋鎮實襲破殺之於是康
長父昭光代統其衆說鎮實取吉田不久死康長勇
善戰參公以同母弟久松氏妻之賜松平氏東遷時

食東方万石關原之役以大衛將与永野勝成守曾
根与諸將別攻大垣康長令去砲之機以鐵管擊碎
堞敗其郭城降留守烏還為大田城主佐竹氏故將
馬場和泉作乱不克匿于大田康長捕斬之徙封于
古河于笠間甲寅戌小田原毀稻村攻阪使康長壁
鳴野乙卯稻垣重種見康長劄將擒力戰却敵扶康
長歸三遷為三田侯卒子康直徙赤石卒子光重
立徙加納与松本侯岩城侯交如阪行畱守事子光
永時分万石与二弟收郡上戌為憲宗末卒子光熙
嘗作皇宮徙浚事德宗二年卒無子徙子光慈立徙

鳥羽徙松木上如光陵也外山率弟光雄立
史臣曰神祖初諸松屬疏動懷反側之心是以恩繁
枝葉而庇本根同母而此親身外孫而為親子与之
姓以繫內外之心艱危之間資其用亦多竟以功名
自効而忠誠有餘兄弟子孫繩以受爵土豔哉國朝
忘躬言事者極寡定政可謂奇矣女色財貨之誤人
之國不可奪言定重忠弘過聽幾亡其國光長免母
而不能免身康長之有室賜姓蓋因于斯庚子以來
賜姓者抑異于斯咸隨事序列云

外戚傳第六

卷三十一

水野信元下野守神祖長舅也父曰忠政右衛門大
夫據刈屋小川信元以尾君磊落不事小節異于他
將大有所成絕駿使為尾城守是時駿方強親將兵
伐尾列城瓦解信元獨固守不屈駿君死信元恐神
祖居大高為尾所困不知駿君死使人告之奔歸國
崎而常舉兵相伐不私于親尾君始重之因見尾君
曰方今之時不併濃則無爭衡中國駿我深仇也甲
相大國而世結婚姻會于參以西雖智者不能為尾
計臣与元康不得顧親君之所知也為尾計莫若得

岡崎彼雖蕞爾一城財饒兵精未可以力服欲得岡
崎當遣重臣早辭割地以請岡崎今與駿有隙不敢
不從岡崎從駿不西是我可專力于濃尾君曰然使
瀧川一益割地求平于參信元又使人岡崎曰君早
許為尾君盡參地納于君拓疆大利也劑交美名也
必許為不者駿攻其東尾伐其西參其不殆神祖乃
許尾之使從是以小川車尾以刈屋車參親鸞為亂助
酒井正親討賊因信元降盡除其罪後從尾君破
江兵于姊川遂留信元守姊川甲兵出御方原信元
救之至今切聞軍散而還初信元與佐久間信盛有

隙尾世子攻遠山城中以貨兌米于刈屋信元不知
取其貨于市信盛譖信元受貨与之米尾君使人問
之信元恐使使者從尾使往謝曰貨取諸市不與糧
遠山使者往途中飲酒格殺尾使者信元不知所為
亡如岡崎尾君益怒使神祖殺之為請不能得使平
岩親吉殺之聞者皆閔為尾君乃以刈屋小川與信
盛馳至刈屋撲捕僮奴暴其室兒女子跣亡去
得免信元弟日政信忠義重仲忠賴忠重分長政信
滔而妬左右無壯者駿伐尾為兄守刈屋以駿君死
不虞駿兵駿將岡部長教襲斬政信請駿君之戶尾

人義之与尸婦駿忠義孫忠善太宗時貴顯重仲為
紀卿咸有傳忠賴仕于駿君殺忠賴得甲君遺忠
賴書遺之于甲以告絕御方原之戰忠賴子康忠斬
首十二級賜名三四節後從至長祿神祖飲尾君酒
曰康忠所進尾君因与之樽氏用為遠州市令東遷
時与奈良北村二子以市令兼代官治水道築里表
三氏至今為市令然益卑賤
忠重至石瀨斬首讓元政信尾君知而善之与信元
不相得出居于外後參公之軍親鸞乱斬勇士石川
忠朝園掛川伏兵擊敗親斬一騎婦自乾城為殿擊

敗敵与忠世忠佐追至乾城門而還戰于觀潮阪我
兵不利忠重為殿擊敗追兵吉田之戰被創不得往
長祿天正七年從攻高天神有功尾君遺書稱之明
年尾君殺佐久間信盛知信元前見寃以小川刈屋
封忠重助攻高天神尾君死從拒相于推巫既為尾
攻星崎秀吉遺之書曰因君滅德川氏參遠君之有
也忠重封其書上之急攻取星崎從池田信輝于長
湫忠重曰彼衆我寡從後擊之諸將從之擊敗三好
秀次軍進合堀秀政不利与木多康重反迎擊却秀
政會參公至破殺信輝是日秀吉入龍泉寺忠重曰

西兵不整罷衣之破秀吉必矣忠勝新至氣銳可用且也走秀吉天下不足定神祖不許秀吉數見忠重用兵以為義經莫若至与參平取為己之屬与石川敷正同護諸將之兵征筑紫平關左多其謀略還自筑紫為和泉守賜豐臣姓秀吉薨諸侯多謀害神祖者及將有事常未在側神祖悅日子之忠誠出人之右後為加賀江秀望所殺事在堀尾吉晴傳忠皇子勝成復勇而有謀在軍常先登陷陣嘗斬三好氏驍將白江備後久之人或惡諸其父勝成聞之殺惡之者亡秀吉雅聞其名徵為親信頃之殺人亡秀吉怒求

之甚急於是變姓名仕諸侯之國比人聞知便去或數日不食一褐衣卒歲作州富人以女妻勝成漁魚獵獸不事田作富人欲逐之勝成便斫其頭去適倫中取三村親重女与毛利氏驍將植木秀長為刎頸之交勝成雖在外顧恋君親秀吉薨乃歸神祖將見之忠重曰公朝見勝成臣夕去夕見勝成臣朝去神祖曰君不聞乎父子之間不負善我欲用勝成君強忍之三面後可既至小山會秀望殺忠重命還刈屋統其衆遂往比叢根薩兵攻之屢敗止樂田不敢近神祖至岡山忠重請從軍神祖曰汝負首功子

夫薩人不一日忘曾根之不守岐阜之道不通岐
阜之道不通岡山不可居汝為我善守戰之日以松
平康長中村忠一等屠樂田進圍大垣使人誘相良
長每秋月種長高橋元種殺熊谷直陳垣見家純又
說降主將福原直高康長慚無功曰城中有應于我
四面進兵欲必拔之直高以為勝成欺已以死固守
勝成度不可攻使謂曰秀望我仇也君許我和而保
其子何也君若斷其頭而不去兵者勝成不復將兵
直高謂使者曰我不忍也君若取之不敢允使者還
報勝成乃從十餘騎入城斬秀望之子見直高出之

甲寅督堀直寄丹羽氏重為後軍使如織多崎因攻
博勞淵乙卯督丹羽氏信堀直寄堀直之松倉重政
奧田忠次神保相茂本多政武別所友治來山重時
來山一直來山貞晴秋山光匡藤堂嘉以山岡景次
中山照守村瀨重次多賀常長村越三十郎甲斐莊
正房等自和州會彥根兵神祖語之將帥之職在指
蹤而不在躬親砮堅若以往者之勇背今日之寄雖
成功非我命汝之意我必孛戮汝勝成惶恐對曰去
年諸將不受高虎之令臣不比高虎遠甚不先衆疾
戰何以勵諸將神祖作色曰汝代我者豈比高虎哉

有不從令斬而後聞於是神祖以勝成為能任大事
阪其至南都將燒郡山勝成獨騎趨之阪兵以為軍
至望旗逃去追畱軍于法隆寺還見德祖于伏見賜
五十金勝成以為敵據山難攻夜踰龍田至河內故
治桑名侯謂勝成陳片山勝成曰不可嘗田高片山
下取敗之道也有火屬嘗田乍見乍滅勝成固備以
待後藤政次日一軍至則擊之雖百萬不能用欲迎
我于龍田之下會勝成已至欲襲失道謀者曰兵寡
政次好勝人進合龜山侯等戰勝成併勢擊敗奪其
所據之山与仙臺兵同進政次及薄田魚相井上時

利走死又欲伐阪相治長兵告趣諸將時相茂過仙
臺陣中砲殲焉諸將咸疑仙臺兵亦多傷是以
止不伐明日以勝成忠明忠政戰疲改為中軍先鋒
將至部逢越之兵与共擊至黑門之下兵衆地狹不
可行右旋追北破明石全登于仙波進至櫻門斬首
百餘級阪平封郡山六万石徙福山食十万石發諸
侯增其城寬永中修二條從朝京師又收熊本耶蘇
乱上以為太祖功臣唯特勝成猶存命請軍所總督
知賊衰欲攻之監軍諫曰上明見万里之外欲待糧
盡而自斃焉君受成算而出不若從之總督見勝成

曰上不以君之老勞君諸軍為能誨臣也而無一言
誨臣非所敢望勝成曰非敢然我新至此欲聞諸將
之計也曩我容于佐々小西許見賊據此城久不服
杵築雖險不若此城斗絕不可陟故臣前獻計曰連
柵合圍期以歲月不損一人賊盡賊所謂自守虜不
足患執政不聞臣之言隕故侍中我意固如監軍之
言然勢因人變事隨時移當今之時賊已大窘肉薄
傳城不至損軍急殲之使無生變異此其時也總督
乃旨諸侯謀熊本侯佐賀侯曰忠利攻二城勝茂攻
三城賊可克諸侯作聲佐之勝成曰束髮以來大小

五十餘戰未曾後人今雖老安能効雞狗作虛聲哉
且也諸侯事上誰不如二侯々々之言雖壯不可用
也人皆有心欲咸聞其計竟無所瀆願總督獨斷無
讓老夫不避死唯總督之從拂衣出是時佐賀士乘
城諸侯不及歸官直進攻之佐賀兵攻子城死者如
丘勝成子勝重代攻之勝成曰我老矣死事為幸若
不克投我于賊我遇士固厚不可坐視我死既勝重
立城上望之悅曰我兒也明年致仕勝重代侯進從
四位下成松山嚴宗時命遣皇官其明年卒上使行
人如福山立子勝貞為侯勝貞幼時遠攻原勝貞卒

子勝種憲宗時二給事于中皆病免使收津山未行
卒子勝峯幼在園上欲台之恐不耐寒使立為侯
明年夏至江都卒以例國除始勝種有再從弟勝長
每如福山為假子上以水野氏之先有親有功封勝
長西海万石列親信後徙封結城卒弟勝政立
分長從戰小牧補大衛將上誅三成封為小川侯代
石川忠統守濱松甲寅以大衛將攻阪有功益食邑
後為紀卿以故所食方石封子官衛副帥元綱為新
城侯遷大衛將奏者大宗時封安中二万石世子如
光陵他甲斐阪還為官僚世子立復遷大衛將以故

老日台入侍側寬文中致仕子元知立元知妻者忠
善之子也悍而妬忌元知畏如神如安中聘妾而秘
之夫人聞之擗膺欲死至江都拔刃從之元知驚走
有司坐元知罷軟國除

勝成弟忠清從關原封小幡侯以奏者兼官衛將再
率其屬攻阪平守青屋門數月還與同僚青山忠
俊爭功于上前坐不敬傳朝神祖疾病台忠清曰汝
兄弟有功我已益封汝况與之勝成故邑小川三万
石德祖亦與之万石邑後代阿部正次守大阪移封
吉田大宗還自京師至吉田增與五千石徙松本卒

子忠胤立城江都与加纳族岩城族如大阪行畱守
事十餘年致工役修阪天主卒子忠直立忠直卒子
忠周立前忠周憲宗時給事于中為親信忠周卒子
忠茂立忠茂卒弟忠恒立忠恒娶大垣族女為夫人
當入謝有心疾咸止之家監以已悵具強使朝未見
上無故拔刀傷長府嗣子執寘諸川越族邸除其國
邑賜弟忠毅七千石享保十年事也

忠清仲子忠增嚴宗時屢遷至大衛將御史举衛士
罪斥之後御史上直日暮門閉忠增勅門卒不入御
史自免其官於是佗御史中忠增以法免將久之大

老忠清薦其有能補宮衛將憲宗時給事于中終大
衛將以忠直少子忠盛為後給事中侍東宮正德中
為大阪右副畱守封万二千石卒以桑名族久松定
重子忠定為嗣德宗時為大衛將還自阪上召見問
阪之兵器忠定一一數之而曰兵器雖多實朽之不可
可用上以為能遷參政後侍東宮以為左遷益三十
石

青山成重本服部氏伊賀人也其先元事河内楠氏
亡以猿舞幸于幕府是以舞戶多服部氏神祖
納成重兄正尚女生德祖及忠吉神祖如大阪會信

長為明智光秀弑之正尚馳如大阪為先導至名張
城主保章者正尚從兄而光秀舅也不義光秀与之
絕使神祖不知疑其作變使正尚如名張被正尚所
進藁笠自間道馳去正尚既見保章追至旅舍於是
賜氏藁笠慶長五年命從其家江都時正尚老不樂
從遣弟成重子繼左々事尾其居者為藁笠氏享
保中有仕載師成重從江都命青山忠俊与之姓如
食邑至万石擢知政事成重子成次未生時養大父
保長女子權之助至長安死姦事露權之助自殺死
成重坐奪官削七千石少間卒成次以父未赦死不

得嗣以從阪之軍獲首一級補大衛

太田重正勝姬元也上秋氏霸關東時立世祖資長
有文武之才城江戸居之當北条氏興父康資不能
支亡奔房州是時重正少如常州依叔父康政神祖
既納勝姬以名家子徵為親信有二子正重仕水戶
資宗從姬居選為江都親信從阪之軍拜攝津守抽
官衛副帥太宗時遷將侍中三年為參政兼親衛將
食山川万五千石耶蘓起使如京師賊平如築紫旁
軍還遷奉者如長崎逐阿媽港人大宗憂列族有司
或起微細不知氏族因名失實遺父祖所以顯著令

列侯有司咸上其所記藏諸祖廟資宗受書學士林
信勝作譜又藏諸祖廟徙封于西尾濱松以免官
乞骸骨子資次立為奉朝請資次妹適稻葉正能
以宮衛將戍駿府家長與其豎私恐事泄誅已使
豎弒正能為自死曰君喪愛女惜稽不能勝以又洞
冑朝廷疑之會親姻考驗莫能得資次尚弱顧家長
曰子不怪主之喪專欲寢事非子弒之誰繫獄訊之
家長為之資次以是著名為奏者兼祠曹遷大阪留
守西濱松于官以衆不足也憲宗初入賀進從四位
下卒于官子倫後守資直以倫後守成貞為知政事

改倫中守父卒封田中為奏者遷參政侍中免命修
神祖原廟在久野者平子資晴立以幼徙棚倉德宗
朝奏者祠曹典光陵行事遷參政徙館林代土岐賴
稔為大阪留守還館林于官元文末卒子資俊封館
林侯信宗時為奏者徙掛川

鷹目信平大閤信房次子大宗以姊為妃故呼使居
江都妻以紀侯女賜姓松平氏為左少將左兵衛督
後其兄攝政房輔孫為館林夫人館林侯承統以夫
人為妃遇信平甚渥女為薩侯夫人男信正侍從近
江舟信平卒後一年信正卒子信清憲妃薨屬諸文

宗封日野侯卒子信友代侯

增山正利父曰總兵不知何郡人如江都仕朝倉氏其主愛其能使為其家蒙朝倉氏久之以侵盜貨穀放之總兵如都賀捕鳥為食後以殺鶴誅死古河侯没入其田宅妻子獨免正利與母于七沢清宗生子男女五人正利如江都仕士大夫家率一歲數月去不常其處追室樹夫人貴俄起賜食邑繼封為築井侯賢為世所稱嚴宗立為彈正少弼以姊嫁呂川氏高高家也異父弟資祇承那須侯後長政為平野氏後圭海為僧二女適清末侯弘崎侯莫不爭願

締親万治二年移西尾補奏者後病免寬文初卒以資祇子正弥為嗣正弥立徙下館益三千石憲宗時徙長島卒子正仕孫正武咸為奏者正武無子五妻弟正順清末侯匡廣子也

本莊宗利其先賀茂祠官也父曰北小路俊孝事二條藤氏為官內少輔賜昇殿宗利繼業為官內少輔納室生宗孝及松下義賢佐野勝富妻而死堀川有賣菜者死其婦以二女往為宗利之家之婢幸生宗資及僧願教宗利因名其二女嫁長女于大宮宗賀亦事二條者為大藏大輔以少女屬松下義賢

于江都義賢任為万姬少使則憲宗母也春姬見夫
人于其房異之与万姬俱言得進夫人追賞念万姬
之曾德于已資姬之從孫嫁已從子帳帷之美擬於
王侯是時宗賀老居嵯峨上徵其子直藤新五郎至
江都未及仕告歸曰省母恃勢橫于京師交通卿相
為聲色之遊吏不能禁京兆尹捕之与宗孝使自為
之所宗孝謂宗資為一人累朝廷汙家門無為迫使
自殺宗賀益慚恚死夫人遺姬書曰幼時奉別為情
如何每念之至未嘗不夜以達且顧為公翁之老止不
請耳今服已除使某等迎駕不久奉顏色踊躍以俟

妍報曰東西相隔常思一望見顏色叙平生之懷唯
生執箕帚死除墳墓婢妾之節也雖無命固當請者
而不果者以是故也且也編戶賤妾而見万乘之富
無万分之一勤心于求所不得哉常人之所憎疾不
獨賢耳所以不奉命者唯夫人察焉憲宗見書惻然
曰姑唯一人何忍不許相面又使強請媪泣曰夫人
主而称姑于編戶賤妾不答非人卷書就路上悅起
館舍奉五十石五十金為一歲之費亡何死先令婦
葬嵯峨以其邑与新五郎子義雪為外親信淡路守
木下信真江都市人子也為人賣布葛巾襪乞贏餘

自給久之不能奉計亡之京師為宗賀奴新五郎死
收其死厚葬之媪德之薦為夫人家令和泉守義雪
後無行坐事囚諸關宿宗孝改名道孝以廢為二條
氏雜掌列非藏人大納言菊亭直季薦道孝善歌治
職貞大宗少与之邑封館林以夫人故為家老官內
出轉而与夫人不相得言無兄弟之分語侵淫聞于
上賞亦絕不及憲宗承統道孝既死以知忠女為道
孝子道高妻頗多言出入後官言所聞道高不善
道高大怨以為無妻無此羞奉它小過出妻不敢
歸家之姑六角廣治家縊死夫人愈益不憚道高沒

身不請之于上道高死始封其弟道章為高富侯補
內親信子道矩享保中補大衛將

宗資弱依松下義賢、任仕古河侯至侯家嗣絕
以夫人故仕館林顯任要職追館林侯承統見尊重
為因幡守封三万石侯從四位下奉朝請元祿四年
上与大夫人遊其弟從封笠間四万石七年又遊其
第益万石拜侍從宗資姻塔並貴而長子資俊為安
藝守中子知忠承富田知義後少子康重承与板侯
後咸增加米地兩官幸賜相望于道然宗資謹慎不
恃勢近作起茅城北有行殿時飲宴烏宗資曰上居

臣于此為行殿之衛也時有新受邑者司農取宗資
邑与之易以良田宗資曰我以肺腑無功封侯有何
不足煩有司擇確確惡于前自取上益貴之作仙像
者曰民部醫士子居石町者曰村田半兵龜山侯画
工曰潮湖資俊悅此三人共遊常如倡家宗資禁不
可謂人曰得所悅妓則可資俊聞之与民部千金買
妓不可許以割符乃往前是大夫人勅江都令氏長
求其罪不得會民訛言馬為人言誣以造言繫三人
獄故緩使養病于家吏白三人罪未白佯病歸家飲
酒于妓不畏公法流諸豆南文宗時赦還英一蝶乃

潮湖也元祿十二年宗資卒資俊立大夫人進一位
使如京師拜侍從上与夫夫人就宴封濱松七万石
賜松平氏子宗春大夫人尤愛之養為子封丹羽侯
六年卒弟宗雄嗣不久病死國除資俊子咸死以姑
夫佐野資訓為子享保八年資俊卒資訓立明年遣
兵戍甲府十四年彼封吉田為奏者信宗時遷京兆
尹

大久保忠直者加納久利子大久保夫人之假父也
養父忠奮建攻阪從父忠為有功事紀死以孤忠寬
幼以忠直為後忠寬代之至德宗自紀侯承統隨為

朝臣以從子往忠為後補親信起為西城給事中姪
亦為長御元文中兄弟並有罪斥免如恩意賜之衣
物班在諸族之列云

史臣曰國家至明之極右親左戚止富貴其躬耳朕
所以待之雖水野氏之功之盛不若久松氏之親之
篤從是以下叙用中其材未常假非苦絕無覆滅之
禍施慶于子孫

喜連川織田木下傳第七

卷三十二

征夷大將軍源尊氏立幕府于室町以少子基氏為
東國總管治于鎌倉基氏曾孫持氏有自立之心大
將軍義教使上秋清方上秋持房伐誅之立其子成
氏、立怨上秋氏殺其父誘殺管領上秋憲忠、
弟房顯興兵伐成氏、走房顯乃迎義教子政
知立之治于堀越從是威權專歸上秋氏成氏居古
河亦与上秋氏平成氏曾孫曰晴氏、時北条氏
康戰克上秋氏大永元年大將軍義植奔淡路足利
氏益衰義植子孫於今居平島無知者天文末氏康

入古河執晴氏及其長子藤氏以歸女少子義氏立
之里見義弘奉晴氏弟義明討之戰鴻臺不克居諸
生實義氏卒無丈夫子國人立女子号曰氏女秀吉
誅北条氏從義明孫國朝于喜連川与氏女為夫妻
為國朝乃為從四位下右兵衛督將往名古屋至藝
州病死弟賴氏立為從四位下左兵衛佐乙卯如京
賀神祖為起送之增食邑遣之賴氏蒸氏女無子死
從子尊信立為從四位下左兵衛督久之病狂易一
色刑部二階堂主殿函尊信慶安元年高某揖原某
怨二子逐已上書白二臣上使御史喜連川視尊信

之病尊信因之亡御史索之閱日方得以不先以聞
擅函其君流二子于大島立尊信不昭氏自昭氏以
下不叙位猶号曰左兵衛督初義明弟曰官原晴直
征會津晴直曾孫義智在軍中神祖以甲君勝賴女
之生義辰成氏弟曰蔭山廣氏子孫仕北条氏有
氏廣者以子勝姬台見為長門守於是昭氏無子以
義辰子氏春為後氏春子茂氏多力挽十石弓欲結
婚吉田彦德宗以為伊達氏宗強足利氏高貴女嫁人
聘說其際非二氏之幸不許焉
織田信雄平姓右大臣信長中子也斯波氏始有尾

越二州使朝倉氏守越前織田氏守尾張身居京師
輔室町氏後世衰弱二氏自有其州信長王父彈正
忠信定父倫後守信秀富強攻侵隣國與德川氏爭
境壤界信長踈暴有大畧伐斬駿君降濃入江納源
義昭于室町立為大將軍勢君北畠具教度不能與
抗以女妻信雄為養子信長信意知具教將畔使人賊之
悉滅北畠氏義昭憂信長專城槓鳴拒為信長伐壤
槓鳴畧江北南越之地進平河州取甲版相使羽柴
秀吉西伐至倫中天下重足警懾信長不能忘人之
過暴使明智光秀天正十年光秀襲信長及長子信

忠于京師殺之二十餘日秀吉還自倫中與少子信
孝攻光秀殺之信忠子秀信幼秀吉欲亂織田氏代
有天下與柴田勝家丹羽長秀池田信輝為奉行輔
幼主封左中將信雄勢尾賀三州掌天下兵馬信孝
怒曰信孝滅光秀當統天下兵馬我兄無功不當立
勝家瀧川一益前田利家黨信孝將攻信雄乃
攻一益于長嶋拔之秀吉復破勝家降利家信孝之
內海自殺秀吉殺信孝益縱知信雄不能善之佯為
怨恨不辭歸大阪信雄恐去岐阜歸清洲諸將以為
憂相共成之作會于三井寺秀吉許之陰賜四城主

謀信雄三城主悅特寵川勝雅告諸信雄、乃獨
騎逃歸三城主不知勝雅背于已與勝雅如清洲信
雄誅三城主使勝雅求救于參於是信輝為秀吉取
大山逃者咸云衆可二二萬參公曰信輝安得此衆
此必受信輝之言不可不備聚豪傑長者盡虜其妻
子以為質秀吉與參尾相拒小牧犬山人告信輝入
參合兵追擊信輝殺之尾亦夜入壁多殺虜秀吉攻
小牧三月戰數不利引兵西行拔加賀江竹鼻參尾
亦解歸蟹江城主佐久間正勝城萱生前田下市場
背正勝納一益于蟹江參公與信雄追敗之攻蟹江

出一益時秀吉取伊賀和州之屬尾者盡沒秀吉度
竟不能克與信雄相持羽津使人謂曰先君擢臣于
皂隸封以大國位諸將之右念碎骨陷首竟莫報德
寢風雨蒙矢石以不為勞以禦強敵不幸變起于瓜
牙之臣變亂天地臣奮不顧軀誅兇首合二三大臣
謀所以安織田氏二三大臣反構臣于君兄弟臣本
無它心以兵自守以異見察不幸君弟隕命內海至
不可解君若察聽臣之言赦臣之罪使臣得改事君
臣之願也尾君不能決使人訪參公、、報曰君不
能與秀吉爭天下何者從秀吉于小牧者咸先君之

朕肱腹心攀援成功名者也此輩視織田氏如忘况
其餘乎秀吉取以不得志者當參無事戮力共功也
夫北条氏欲用信唯寐能忘觀參兵連久不鮮其盟
襲其虛如列眉若然不得不還自救參婦尾未足拒
秀吉夫何計自固哉今天未弃織田氏使君制和君
其聽之信雄乃取犬山与之平會于矢田川之上秀
吉從十餘騎先至望見信雄藉手岳涕曰今日何日
再得見主是時佐々成政如參如尾謀伐秀吉參尾
不可信雄之大阪為正三位大納言与之江州万石
為葛秣之用与謀台參公使數反不可秀吉為之不

能寢比三更台信雄語曰我已致之云々以妹為參
夫人以母為質參公不得已于信雄許為信雄今年
如參明年為正二位内大臣小田原之役信雄与蒲
生氏卿待治津明年以諸侯攻蒜山秀吉聞死者多
築長圍氏卿福島正則蜂須賀家正見山中已敗慚
已獨無功相命攻城蟻附爭登死傷如麻信雄怨氏
卿等不用其命不助之秀吉不憚台信雄于小田原
小田原平從信雄于駿盡德川氏之地与之信雄不
欲請有伊賀尾勢秀吉乃發憤曰不先功劳而先君
者以先君之故也而君不就慚受令耶我不能復事

君揚其十七罪執諸秋田一年遷諸淺間又一年遷
豫州少与之邑信雄妹之子秀吉幸之謂之淀姬白
台信雄居大阪封長子秀雄于大野拜為參議關原
之役發兵隨大谷吉隆出三成復誘尾故將吏作亂
神祖乃封長庶子秀康于越奪秀雄邑与之三千石
与三百人之糧終以憂死後澱夫人欲誅且元拳兵
立信雄為將信雄不可潛遣且元神祖曰內府用兵
我親見之天下以故右府故常屬耳目若為阪用諸
庶生心使人召之信雄乃亡入京師阪人大驚如嬰
兒失母衆心不一至于以亡阪平使食五万石遇之

至厚列庶莫与抗礼既分中子信長小幡二万石盖
其意欲少子高長承後也而信良先父死信雄老傳
宇多三万石于高長々々從朝京師為侍從嚴宗明
老乞骸骨子長頼立長頼卒子信武立元禄七年無
故殺家老自殺上命削万石降其班爵立子信休
々為京師防火使率子信朝立
信良女為駿庶夫人男為小幡庶信昌追駿庶得罪
吏將執夫人信昌尚弱妻父薩庶固請得止信昌與
子以從弟信久為後憲宗命信久正武刈田信久子
信就信就子信右相繼為庶信右求婚于驗江庶德

宗不許更娶長治侯女

足利義氏長子曰長氏病讓其弟居吉良西條以故
足利氏之時崇之莫出吉良氏之右者後有尊義者
倍其兄出居東條娶贈納言姑持廣者其七世孫也
持廣死無子召義安于西條立之母何義安兄義鄉
死義安乃併有二條背駿之約与尾平是時駿納贈
納言于牟呂攻降荒川義安恐後与駿平後氏真怒
參公背于已廢義安立其弟義昭使牧野貞成代義
昭居西尾以圖岡崎初以荒川降者甲斐守義虎惡
義昭代其兄合酒井正親攻西尾拔之遂取東條參

公乃以妹妻義虎後還義昭東條親鸞徒起推吉良
氏為主參公乃逐義昭義虎取其地主駿亡以義安
復為吉良氏後玄孫左少將義央娶米沢侯女生子
男、嗣米沢侯後上巳為義央故殺赤穗侯米沢相
長尾推四郎与義央夫人諫曰殺人者死赤穗侯死
願君自救存其宗不者禍且不測義央不可為赤穗
人報讎殺死

駿今川氏与吉良氏同宗不相好常以礼數相責望
迨雲州公立駿君氏忠遣將伐參大敗而還氏忠死
子花若立花若弟義元殺花若立以納贈納言卻尾

兵四隣警懾大拓疆土贈納言卒以兵迎參嗣子于
尾以歸居駿府易置參將吏參人恨之永祿三年尾
襲義元于桶狹斬之義元子氏真殊無波離意又不善
于甲君伐愧小原鎮真父子有切用事相率反叛大臣前逃于桶狹氏真乃出明年參相納氏真于
駿而氏真終不能支奔相會相甲平氏真恐走參為
參說通使于越甲亡參公得駿將以復氏真尾君曰
君不欲有駿若辭莫受焉得擅與人執氏真從山家
後為秀吉蹴鞠觀者醜之慶長中如江都以居品川
子孫氏之世稱為高家
堀江大沢基胤先丹波人也未遠刈城海上居焉參

公園掛川諸城望風降基胤獨不肯遣使乞降所置
堀川成匿居氣賀欲透擊參公々々已過不及自海
上攻堀江還殘堀川遺基胤書曰子非有待人之救
守孤城不屈諸侯稱足下之義若幸親憾結好寡人
之願也基胤乃遣子基宿從軍然身亦竟不詣參公
慶長五年今基宿守清洲天下已定以基胤不朝江
都執之徙小瀧以德祖為大將軍時侍從兵部大輔
基宿以草禮儀為左少將典事天子之禮拜子基重
九歲為侍從基宿大宗時為左中將玄孫基治章宗
時以保傳之仕侍于中奢侈好酒使如京師醉不能

詣朝事聞見廢子基朝元文中為大行人坐事免
由良國繁自言新田貞氏後也或曰其父小野某逐
其君岩松氏居金山云國繁弟但馬守頭長嗣長尾
氏居足利瀧川一益擊北条氏政于神奈川兄弟陷
陣疾鬪亦獲佐野宗綱不時告氏政積不能平會諸
將于厩橋讓執二人攻足利金山信濃守國繁毋善
守不能拔之然二氏由是衰至秀吉攻小田原其母
曰氏政必亡遣人迎加彥身從孫貞繁造秀吉々々
敗小田原竟滅二氏以其母賢國繁事之孝赦其牛
久今高家有橫瀨氏亦其後也

宮内少輔山名豐國者右衛門佐持豐後也持豐強
有但因伯美丹倫六州与細川勝元爭強于京師天
下咸裹糧負戈赴京師兵結不能歸其國人之畱令
守城者大率竊其國有之足利氏因是大衰持豐死
子孫居但州僅守一城祐豐時遣弟豐定討因之乱
豐定者豐國父也於是武田高信作乱于因殺山名
氏殆盡故尼子氏將山中幸盛聞豐國困不能自立
欲納豐國于因依因之衆復尼子氏与共伐取鳥取
而知景國不能容已奔京師既合吉川隆久拒秀吉
以為不能支倍隆久降秀吉々々遂亡山名氏与豐

国但七千石豊国乃納女秀次為妾天下耻之慶長
五年從至小山小野木公知叔其邑人攻田邊
人言豊国兵發砲不傷人甲寅与三浦重成監本多
正純軍神祖見其衣敝甚垢問之故足利氏之賜也
神祖因是重為夫人亦有賢操豊国如江都常台宴
諸孫矩豊元祿中給事于中矩豊孫豊就德宗時大
衛將因幡守至祠曹

畠山氏亦足利氏之別也有滿則者守能洲五世至
義統越後將上叔景義養義統子義春為子輝庇愛
之妻以景勝姊為民部少輔會能洲人叛盡滅畠山

氏輝庇乃攻能洲取七尾欲立義春見義春已得能
洲衆不能善之卻其功不立輝虎病令義春台景勝
上田已擊破景虎有功久之直江兼續意義春刺得
已陰事譜執之守尉哀其無罪將見殺逸之義春如
阪石田三成固善兼續為言得不徵義春有三子曰
長則長員義真景勝以義真為子質于阪於是代以
夫人出義真于春日山其後秀吉平之令景勝子其
三子義真復質于阪慶長五年三成許義春能登越
中使為將義真不可至小山諸侯聞三成作乱相謂
曰從軍与質妻子孰重義春願寢言事明正也曰諸

疾質妻子于阪而三成奪之是寇也不為棄妻子諸
將正則等然義春之言与共擊破三成於是神祖命
景勝歸義春妻子景勝獨留義真生定勝乃歸之於
是義春失明居京師思輝虎昔曾愛已以仲子長員
為上秋氏長員子侍從宮内少輔寬文二年歸自京
至呂川失諸文書稱病留二十日馳驛盡復具之而
後反命于是夜自頸死時年十六也子長之天和
中有狂疾自殺家人以病聞立其子
畠山政信者至父貞政有河紀二州天正初叔父昭
高守河州失衆之和為其下殺之盡失河州之地秀

吉如羽黑貞政將攻阪秀吉恨之明年伐出之政信
幼居大阪從片桐且元如茨木攻阪有功元和九年
上以為畠山氏貴久矣不可久居片桐氏之下徵至
江都拜民部大輔子基玄侍從民部大輔元祿中為
給事中領二官遷侍中為奏者

河窪信胤甲君武田晴信從子也甲亡歸于參有戰
功善画鷹至孫信真後武田氏宮大衛將越前守
木下家定本秋魚氏父曰伯耆守道松尾海部人也
道松以女嫁秀吉與淺野長政、之母者与道松妻
兄弟也嫁秀吉者有才識佐秀吉成大業尊奉神祖

寔曰高臺君為家定娶秀吉妹秀吉已貴賜家定豐
臣姓氏曰木下為大阪畱守拜從二位中納言封姬
路侯長子秀次為三好笑岸養子前代秀吉為関白
秉政中子勝俊為少將若狹守封立野六万石從小
濱秀俊承秀吉弟秀長後封和州利房食三木三万
石延房二万石為父守姫路秀秋承筑前侯後以秀
吉與子假号名亨宋貴者家定之家也既澱夫人幸
生秀頼夫人日夜揚秀煉之過使得咎秀俊溺水死
秀次以滔亂誅死家定去阪為高臺召衛居京師追
秀吉薨秀頼立相視若贅旒然是以家定之家益親

神祖石田三成作乱勝俊居伏見鳥居元忠疑勝俊
与秀煉有謀謝出之於是去伏見不得不從三成東
守神戶利房救大正寺至則加侯屠城去与加侯潛
盟而還秀秋將入姫路延房不可与共東欲入伏見
元忠不可攻屠之至関原襲三成後破之神祖至伏
見移家定邑于芦森以高臺君之故不思致法諸子
以延房從細川忠興如丹後封日出收勝俊利房邑
久之以尾侯舅故名勝俊々々下至家定死分邑諸
子高臺君欲勝俊獨有之神祖乃与芦森子長政子
淺野長晟勝俊不得復侯死利房從高臺君居會長

晟當伐元為紀侯神祖曰利房以力微從賊非其本
心封為荊森侯衛高臺君甲寅徙居中軍乙卯以盜
起止衛高臺君阪七高臺君獨奉其祀追薨除湯沐
邑万六千石以三千石賜利房次子主其祀利房子
利當以槍法名家造仁和寺利當孫公定收宮津赤
穗造南宮著桑華蒙末卒無子以金森氏之子種恭
為後

日出侯延房城石護屋園大阪卒子俊治立延次受
立石列諸侯之後俊治孫俊量見今為侯
初道松妻之元曰杵原家次為木下氏寧秀吉誅光

秀為京兆尹与之阪本遷封福智其子長房徙豐岡
為三木畱守小野木公知趣長房攻田邊長房乃使
砲人去丸發之田邊上其事是以得解而妻之父淺
野長政將死割小栗五千石与長房後再從阪之軍
卒子重長立重長無子以竹中重常子重元為嗣其
出也重元幼死不應置後承應二年事也

史臣曰信雄嘗衰廢之餘于掘起之鋒而不詘何其
壯也老愛少子欲傳之彈丸之地何其劣也如足豐
諸家雖無足稱述者粗叙始末備二氏之成敗云

Faint vertical text in cursive script, likely bleed-through from the reverse side of the page. The characters are difficult to decipher due to fading and the style of the calligraphy.

引馬文庫



